

**UDRUŽENJE POSLODAVACA U FEDERACIJI BIH
MULA MUSTAFE BAŠESKIJE 12/III
S A R A J E V O**

Sarajevo, 29.06.2010.godine

ZAPISNIK

sa **20 sjednice Upravnog odbora Udruženja poslodavaca u FBiH** održane **dana 29.06. 2010. godine**, sa početkom u **11:00 sati u prostorijama«ASA-HOLDING» (Bulevar Meše Selimovića 16.)** u Sarajevu.

Sjednici su prisustvovali: gđin. Hasan Bećirović, gđin. Adem Ibrahimpašić, gđa. Silvana Marić, gđin. Safudin Čengiđ, gđin. Eldin Brčaninović, gđin. Mirsad Čolaković i gđin. Edin Ibrahimpašić-član ESV-a.

Sjednici nisu prisustvovali: gđin. Nihad Imamović, g-din. Predrag Čović, gđa. Azema Mulasmajić, gđin. Amir Jahjaefendić, gđin. Sabahudin Žujo, gđin. Fehim Škaljić, gđin. Hamed Šivšić, g-din Marinko Katava, Mustafa Burgić, , gđin. Amer Jerlagić, gđin. Nuko Grebović i gđin. Milorad Krunić koji su opravdali svoj izostanak.

Sjednici su prisustvovali po dužnosti: gđin. Mladen Pandurević i gđica. Mersiha Kurspahić.

Obzirom da je Predsjednik odsutan sjednicom je predsjedavao podpredsjednik UO gđin. Hasan Bećirević.

Uvodnu riječ dobrodošlice članovima Upravnog odbora uputio je podpredsjednik U.O. gđin. Hasan Bećirović i predložio sljedeći:

DNEVNI RED

1. Usvajanje zapisnika sa 19. sjednice Upravnog odbora UPFBiH;
2. Razmatranje finansijske situacije u UPFBiH;
3. Usvajanje platforme za pregovore sa SSSBiH radi zaključenja Kolektivnog ugovora o izmjenama i dopunama Općeg kolektivnog ugovora za teritoriju FBiH;
4. Izvještaj Radne grupe za vođenej pregovora sa SSSBiH za usaglašavanje Primjedbi na Prednacr Zakona o radu;
5. Razmatranje materijala za 71. sjednicu ESV-a;
6. Tekuća pitanja

Dnevni red je u potpunosti usvojen.

RASPRAVLJANJE PO TAČKAMA DNEVNOG REDA:

Tačka 1 : Usvajanje zapisnika sa 19. sjednice UO;

Gđin. Hasan Bećirević je upoznao prisutne sa ovom tačkom dnevnog reda i dao zapisnik na usvajanje.

ZAKLJUČAK: Obzirom da nije bilo primjedbi, zapisnik sa 19. sjednice UO je jednoglasno usvojen.

Tačka 2: Razmatranje finansijske situacije u UPFBiH

Gdin Hasan Bećirović je zamolio direktora gdina. Mladena pandurevića da informiše prisutne o ovoj tački dnevnog reda budući da se radi o informaciji.

Gdin. Pandurević je istakao da obzirom da je predsjednik odsutan ovu tačku treba prolongirati za sljedeću sjednicu UO te da će samo ukratko obavijestiti prisutne o trenutnoj situaciji.

Gdin. Pandurević je istakao da je finansijskim planom UPFBiH i APBiH predviđeno 295.000 KM. U prvih 6. mjeseci potrošeno je oko 115.000 KM. Za nesmetano funkcionisanje APBiH i UPFBiH do kraja godine potrebno je oko 120.000,00 KM što znači da bi se pokrili osnovni troškovi, bez drugih programskih aktivnosti koje su usvojene u Programu rada. Također je istakao je da je prema podacima relativno dobar stepen naplate od strane članica koje nemaju svoje predstavnike u tijelima UPFBiH i APBiH te da je potrebno povećati stepen naplate od strane članica koje su u upravnim tijelima UPFBiH i APBiH. Dalje je istakao da je u posljednjm mjesecu Udruženju pristupilo 7. novih članica.

Gdin. Pandurević je predložio je da se za sljedeću sjednicu UO prolongira ova tačka dnevnog reda za koju će se pripremiti materijal i koji će biti dostavljen prije prije sjednice. Za sljedeći put će se pripremiti prijedlog mjera i aktivnosti članova UO za učlanjivanje novih članova kako bi mogli održati reprezentativnost obzirom da je novim Zakonom o radu koji je u proceduri predviđena reprezenativnost udruženja poslodavaca.

Gdin. Bećirović je predložio da se UPFBiH obrati članicama sa jednim pismom u kojem će ih podsjetiti na uplate i ukazati na probleme, te da se na osnovu toga vidi reakcija.

ZAKLJUČAK: Zaključeno je da se ova tačka prolongira za sljedeću sjednicu UO za koju će se pripremiti kompletan materijal i koji će biti dostavljen. Također je zaključeno da se članicama koje nisu uplatile članarinu uputi dopis u kojem će se podsjetiti na obavezu plaćanja članarine.

Tačka 3: Usvajanje platforme za pregovore sa SSSBiH radi zaključenja Kolektivnog ugovora o izmjenama i dopunama Općeg kolektivnog ugovora za teritoriju FBiH;;

Vezano za ovu tačku dnevnog reda gdin. Bećirović je zamolio gdina. Pandurevića da obavijesti prisutne o ovoj tački dnevnog reda.

Gdin Pandurević je istakao da su svi prisutni dobili prijedlog Izmjena i dopuna koje je pripremila UPFBiH. Napomenuo je da je je 10.06. 2010. godine potpisan Porotokjol između Vlade FBiH, SSSBiH i UPFBiH radi vođenja pregovora za zaključivanje Kolektivnog ugovora. Prema ovom Protokolu u roku od 3 mjeseca potrebno je okončati pregovore o Općem kolektivnom ugovoru. Komisija za pregovore ispred UPFBiH je u sastavu od tri člana i to gđa. Azema Mulasmajić, gdin. Nihad Imamović i gdin. Mladen Panurević. Napomenuo je da je globalno polazište UPFBiH da mo spremni da razgovaramo oko povećanja najniže plaće ali da ona ne može biti osnovica za obračun ostalih plaća. Dalje neće se dirati u stečena plaća zaposlenih jer je to teško i postići u pregovorima ali je sa SSSBiH postignut dogovor da će se moći privremeno smanjiti ta prava do određene mjere ukoliko potoje okolnosti koje to zahtjevaju. Četvrta vrlo važna stvar je definisanje važenja kolektivnih ugovora kao uslovi i način otkazivanja i izmjena i dopuna kolektivnih ugovora. Zadnja vrlo važna stvar je da će UPFBiH insistirati na tome da će se morati granski kolektivni ugovori uskladiti sa Općim Kolektivnim ugovorom u roku od 6 mjeseci.

Također je zamolio sve prisutne da daju svoje primjedbe na prijedlog koji je dostavljen svima.

Gdin. Bećirević je predložio da UPFBiH pregovore vodi na principima koje je istakao gdin. Pandurević.

ZAKLJUČAK: Zaključeno je da se pregovori vode na bazi navedenih primjedbe te da prisutni ukoliko

imaju dostave svoje primjedbe.

Tačka 4: Izvještaj Radne grupe za vođenej pregovora sa SSSBiH za usaglašavanje Primjedbi na Prednacrta Zakona o radu;

Vezano za ovu tačku dnevnog reda gđin. Mladen Pandurević je ukratko obavijestio prisutne o pregovorima koji se vode između SSSBiH i UPFBiH a vezano za Zakon o radu. Primjedbe su dostavljene svim članovima UO. Do sada su održana dva sastanka sa SSBiH na kojima se usaglasilo oko 2/3 materije. Ostale su neka pitanja koja su načelno usaglašena kao što je formiranje ESV-a na osnovu Zakona o ESV-u i pitanje reprezentativnosti SSSBiH i UPFBiH. Pitanja vezana za kolektivni ugovor su pitanja gdje će se pojaviti problem oko uaglašavanja. Također je napomenuo da su pitanja kao što u broj dana godišnjeg odmora, minimalna plaća i pauza u toku radnog vremena o kojima je bio postignut dogovor u septembru prošle godine ponovo vraćena na raspravljanje i usaglašavanje. Vezano za ova pitanja gđin. Pandurević je istakao da se mora uložiti maksimalan napor obzirom da će i zastupnici u parlamentu podržati SSSBiH. Ipak na kraju je istakao da se nada da će se naći kompromis i postići rješenja koja će biti povoljna za oba socijalna partnera.

U raspravi su učestvovali svi prisutni koji su se složili da treba insistirati na primjedbama UPFBiH i pokušati postići saglasnost. Gđin. Brčaninović je istakao da bi trebalo možda organizovati jedan skup polodavaca na kojem će se prezentirati stavovi SSBiH i UPFBiH.

Gđin. Pandurević je informisao prisutne da je u pripremi Protokol za saradnju sa Privrednom komorom FBiH prem akojem PK će dati svoje eksperte za pripreme analiza problema određenih sektora u privredi i problema sa kojima se susreću.

Gđin. Bećirović je istakao da je za njegovu grupaciju najveći problem Ministarstvo trgovine i ekonomskih odnosa te da se o toj temi također treba raspravljati na nivou UPFBiH.

Gđin. Čengić je istakao da poslodavci ne smiju odustati te da na sjednicama ESV-a se moraju kandidovati teme odnosno nametati teme i problemi sa kojima se privrednici susreću a ne da pratimu Vladu. Također je potrebno razvijati Udruženje poslodavaca u FBiH koje će moći pripremiti argumentovane stavove.

ZAKLJUČAK: Izvještaj radne grupe je prihvaćen i zaključeno je da radna grupa treba nastaviti dalje insistirati na primjedbama UPFBiH.

Tačka 5. Razmatranje materijala za 71. sjednicu ESV-a;

Vezano za ovu tačku dnevnog reda gđin. Bećirović je upozno prisutne sa dnevnim redom i zamolio gđina. Pandurevića ja informiše prisutne.

Gđin. Pandurević je istakao da Zakon o zdravstvenom osiguranju, koji se nalazi na dnevnom redu ESV-a nakon što je na insistiranje UPFBiH vraćen iz Parlamenta, sadrži katastrofalna rješenja. S tim u vezi predložio je da stav UPFBiH bude da ovaj Zakon ne može ići u ovakvom predloženom obliku.

Gđin. Pandurević je predložio da delegacija UPFBiH na jednici ESV-a zastupa stav da ukoliko se ne da jasno obrazloženje poslodavci nisu suglasni a ovakvim rješenjem, te da se traže garancije da će taj zakon za rezultat imati smanjenje troškova za zdravstvo.

Vezano za Zakon o privatizaciji gđin. Pandurević je istakao da u predloženom obliku postoje opasne stvari kao što su uvođenje Agencije za privatizaciju koja je posebno tijelo koje se finansira iz Budžeta FBiH. Navedeni Zakon predviđa potpuno drugačija ješenja od onih koja su bila predviđena prošlim Zakonom.

Predlaže da se ograniče subjekti koji podliježu reviziji, smatra da postoje firme u kojima je potrebno napraviti reviziju ali se ne slaže da sve firme trebaju imati reviziju.

Gdin Bećirević je predložio da zahtjev UPFBiH treba da bude da se formiranjem novog tijela ne proizvode novi troškovi ali revizija privatizacije u principu se mora uraditi. Lično smatra da je ovaj tekst Zakona najprihvatljiviji. Bolje je da se izvrši revizija nego da se stalno pokreću pitanja i problemi vezano z privatizovane firme. Smatra da se Zakon može prihvatiti osim odredbi o formiranju novog tijela odnosno Agencije za privatizaciju.

ZAKLJUČAK: Vezano za Zakon o zdravstvenom osiguranju zaključeno je da delegacija UPFBiH na sjednici ESV-a zastupa stav da ukoliko se ne da jasno obrazloženje poslodavci nisu suglasni a ovakvim rješenjem, te da se traže garancije da će taj zakon za rezultat imati smanjenje troškova za zdravstvo.

Vezano za Zakon o privatizaciji stav UPFBiH je da se ograniče subjekti koji podliježu reviziji te da zahtjev UPFBiH treba da bude da se formiranjem novog tijela ne proizvode novi troškovi, ali revizija privatizacije u principu se mora uraditi.

Tačka 4. Tekuća pitanja

Nije bilo rasprave pod tekućim pitanjima.

Sjednica je završena u 12:15 časova.

Zapisnik sačinila:
Mersiha Kurspahić

Podredsjednik UO UPFBiH
Hasan Bećirović, s.r.